

in Sutherlandia extant, (exclusis Strathnavernia, Durinesi & Edderachili) sunt Gordonii, Sutherlandi, Moravii, Graii, Clangunnenses, seu Clangunni, Seil-Thomasi, Seil-Iohannenses & Seil-Phalai.

Antiquissima est Sutherlandia Comitum familia; & à prima origine, ad hodiernum usque diem, celebris: Regibus suis officiosissima, neque unquam perduellionis iuste damnata, permanet. Inter primarios Scotie proceres, in Comitibus, locum habent. Sutherlandia Comites viri strenui, & bello intrepidi semper habiti sunt. Iam Comes est magnæ potentia & autoritatis, totius Sutherlandia, Assint & Strathnavernia Vicecomes; Thalasarcha, non solum harum, sed etiam circumjacentium quarundam Regionum hæreditarius; idque Levinie Ducis dono.

Quotquot in ejus Provincia degunt generosi, ipsius sunt clientes, & beneficiarii. In ditionibus suis Regia jura exercet. Quin Dominus Macky, Ræ Baro, & Dominus à Duffus, sub ejus clientela sunt: & Strathnaverniam Edderachilim & Durinesin ejus jure Mackeus possidet: quo fit, ut autoritate & potentia, Majores suos adæquet.

DESCRIPTION SUTHERLANDIÆ.

EX CAMBDENO.

Vltra Rosiam Sutherlandia Germanicum prospectat Oceanum, pecori alendo magis quam frugibus ferendis commoda. In qua ex candido marmore surgunt montes; miraculum sane in frigida hac plaga; sed nullo ferè usui, cum luxuria in ædificando & otiosa illa opum ostentatio in has remotas regiones nondum penetraverit. Dunrobin castrum in hac celeberrimum, Comitum Sutherlandia veterum sedes primaria, è stirpe ni fallor Moravia. Inter quos celebratur Guilielmus sub Rege Roberto Brus, qui sororem Regis Davidis germanam duxit, filiumque ex ea genuit, quem regni successorem Rex David declaravit, & in ejus nomen proceres jurejurando adegit, sed ille paulo post morte sine liberis præreptus, & Comitatus tandem per filiam & hæredem ad A. Gordonum ex Comitum Huntley familia hæreditario devenit.

Marmoria
candidi
montes.

Dun Robin.

Comites
Sutherlandia.



Scotia.

STRATH.